

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 Pr 477334 25 Pr 2
Tuzla, 02.09.2025. godine.

Općinski sud u Tuzli, po sudiji Sabini Spahić, rješavajući u prekršajnom predmetu protiv okrivljene R. J. kao odgovornog lica u pravnom licu, d.o.o. zbog prekršaja iz člana 49, kažnjivo po čl. 58 stav 3 tačka „a“ Zakona o porezu na dobit po prekršajnom nalogu broj. od 05.09.2024 izdat od Porezne uprave F BiH Kantonalnog poreznog ureda Tuzla Porezna ispostava Tuzla, a na osnovu člana 15. člana 72 stav 1 i 2 tačka 3, člana 73. i 74. i 79. Zakona o prekršajima Federacije Bosne i Hercegovine ("Sl. novine Federacije BiH", broj: 63/14.), nakon održanog usmenog pretresa dana 02.09.2025. godine donio je i javno objavio sljedeće

R J E Š E N J E

OKRIVLJENA

R. J., kći H., rođena godine u T., nastanjena ul., državljanin BiH, Muslimanka, SSS- ekonomski tehničar, zaposlena u d.o.o., izdržava se od primanja koja ostvaruje radom u Nj., udata, majka dvoje djece, nekažnjavan, JMB:

O d g o v o r n a j e

Što je dana 01.04.2024. godine u Tuzli od strane stručnog savjetnika Porezne ispostave Tuzla kod poreznog obveznika d.o.o. i odgovornog lica R. J. utvrđeno da nisu podnijeli prijave poreza na dobit za 2023 godinu u roku od 30 dana po isteku roka propisanog za podnošenje finansijskih izvještaja tj. do 31.03.2024. godine

čime je R. J. kao odgovorno lice u d.o.o. počinila prekršaj iz član 49, kažnjivo po čl. 58 stav 3 Zakona o porezu na dobit

pa joj sud shodno navedenim Odredbama Zakona kao i člana 21 i 22 stav 3. član 25. Zakona o prekršajima F BiH

IZRIČE

UVJETNA OSUDA

Kojom se R. J. kao odgovorno lice u d.o.o. utvrđuje novčana kazna u iznosu od 2.500,00 KM i istovremeno određuje da se novčana kazna neće izvršiti ukoliko okrivljena u roku od 6 mjeseci od dana pravosnažnosti ovog rješenja ne počinii isti ili novi prekršaj.

Prekršajni nalog broj od 05.09.2024 izdat od Porezne uprave F BiH Kantonalnog poreznog ureda Tuzla Porezna ispostava Tuzla protiv Redžić Jasmine se stavlja van snage.

U skladu sa članom 55. stav 3. tačka 3. Zakona o krivičnom postupku Federacije BiH, a u skladu sa članom 199. Zakona o krivičnom postupku Federacije BiH, a u vezi sa članom 18. stav 2. Zakona o prekršajima Federacije BiH i članom 35. Pravilnika o naknadi troškova u sudskim postupcima ("Sl. novine TK-a", broj: 5/00), okrivljena je dužna nadoknaditi troškove

prekršajnog postupka u iznosu od **50,00 KM (pedeset)** u roku od 15 dana od dana pravosnažnosti ovog rješenja.

Ukoliko okrivljena ne plati troškove postupka isti će se naplatiti u skladu sa članom 102. do 105. Zakona o prekršajima Federacije BiH ("Sl. novine Federacije BiH", broj: 63/14).

O b r a z l o ž e n j e

R. J. blagovremeno je podnijela ovom sudu zahtjev za sudske odlučivanje po prekršajnom nalogu broj od 05.09.2024 izdat od Porezne uprave F BiH Kantonalnog poreznog ureda Tuzla Porezna ispostava Tuzla zbog prekršaja iz čl. 49, kažnjivo po čl. 58 stav 3 tačka „a“ Zakona o porezu na dobit pobliže opisan kao u izreci ovog rješenja.

Na usmeni javni pretres održan pred ovim Sudom dana 02.09.2025. godine u 13,00 sati, po zahtjevu okrivljenog za sudske odlučivanje u smislu čl. 65 stav 3. ZOP-a F BiH Sud je konstatovao da je na isti pristupio ovlašteni predstavnik ovlaštenog organa Porezne uprave FBIH Kantonalnog poreznog ureda Tuzla A. K.M. po generalnoj punomoći i okrivljena R.J.

Okrivljena R. J. prihvatajući odgovornost za prekršaj koji joj se prekršajnim nalogom stavlja na teret navela je da je odgovorno lice u d.o.o. i da je pravno lice registrovano prije godinu dana, ali da nikada nije obavljalo djelatnost niti ostvarivalo prihode, gdje je i ona kao odgovorno lice iz navedenih razloga morala otići u Nj. da bi radom omogućila sebi i porodici egzistenciju. Do sada nije kažnjavana za bilo koje prekršaje, a nedostatak konstatovan u prekršajnom nalogu je otklonjen i naknadno predana prijava poreza na dobit za 2023 godinu te je molila sud da se izrekne neka blaža sankcija.

Ovlašteni predstavnik ovlaštenog organa ostao je u cijelosti kod izdatog prekršajnog naloga protiv okrivljene, a obzirom da je okrivljena prihvatila odgovornost za prekršaj za koji se tereti prema izdatom prekršajnom nalogu nije predlagao izvođenje dokaza, te je u spis priložio materijalne dokaze: Službena zabilješka Porezne ispostave Tuzla br. 13-3/1-45-1-3813 od 05.09.2024. godine, pretraga obrazaca iz službene evidencije PU F BiH iz koje se vidi da je obrazac PP-801 za 2023 godinu predat 13.02.2025. godine, pretrage izrečenih kazni i zaštitnih mjera te da se okrivljena oglasi odgovornom i kazni u skladu sa Zakonom.

Kako je okrivljena prihvatila odgovornost za prekršaj koji joj se stavlja na teret, a što je sud utvrdio i iz materijalnih dokaza priloženih od strane ovlaštenog predstavnika ovlaštenog organa Porezne uprave F BiH Kantonalnog poreznog ureda Tuzla ovo rješenje u skladu sa odredbama čl. 69 stav 1. Zakona o prekršajima Federacije Bosne i Hercegovine, ne sadrži obrazloženje u dijelu koji se odnosi na utvrđivanje činjeničnog stanja.

Sud je prilikom odlučivanja o vrsti i visini sankcije cijenio sve okolnosti iz člana 22 stav 3 Zakona o prekršajima FBIH, te od otežavajućih okolnosti cijenio samu težinu prekršaja, a od olakšavajućih okolnosti činjenicu da je okrivljena prihvatila odgovornost za prekršaj i time doprinijela bržem okončanju sudskog postupka, te da nisu nastupile štetne posljedice, te da su otklonili nedostatke konstatovane u prekršajnom nalogu i naknadno predana prijava poreza na dobit za 2023 godinu, kao i činjenicu da je okrivljena prema pretragama izrečenih novčanih kazni i zaštitnih mjera od 02.09.2025. godine nije kažnjavana za iste ili slične prekršaje, porodične i materijalne prilike, te je istoj za prekršaj za koji ju je oglasio odgovornom kao u izreci ovog rješenja izrekao minimalnu novčanu kaznu u iznosu od 2.500,00 KM i istovremeno odredio da se izrečena novčana kazna uz primjenu člana 25. Zakona o prekršajima FBIH, neće izvršiti ukoliko okrivljena u roku od 6 (šest) mjeseci od dana pravosnažnosti

ovog rješenja ne poćini novi prekršaj, jer bi se u tom slučaju primjenom čl. 26 Zakona o prekršajima FBiH opozvala uvjetna osuda i izvršila utvrđena novćana kazna.

Donošenjem ovog rješenja prekršajni nalog broj: od 05.09.2024 izdat od Porezne uprave F BiH Kantonalnog poreznog ureda Tuzla Porezna ispostava Tuzla protiv R. J. se stavlja van snage.

Odluku o troškovima prekršajnog postupka, Sud je donio u skladu sa članom 53.stav 3 taćka 3 Zakona o prekršajima Federacije BiH, a u skladu sa članom 199 Zakona o krivićnom postupku Federacije BiH, a u vezi sa članom 18 stav 2 Zakona o prekršajima Federacije BiH i članom 35. Pravilnika o naknadi troškova u sudskim postupcima ("Sl. novine TK-a", broj: 5/00), ćija je visina srazmjerna složenosti i dućini trajanja prekršajnog postupka.

POUKA O PRAVNOM LIJEKU: Protiv ovog rješenja može se izjaviti žalba u roku od 15 dana od dana prijema rješenja. Žalba se predaje ovom sudu u dovoljnom broju primjeraka O žalbi odlućuje Kantonalni sud Tuzla.

S U D I J A
Sabina Spahić